

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: 02-02-028/23
Mostar, 05.01.2023. godine

IZVOD IZ ZAPISNIKA
sa treće (III) redovne sjednice Skupštine
Hercegovačko-neretvanskog kantona

Sjednica je održana dana 05.01.2023. u sali Skupštine Hercegovačko-neretvanskog kantona u Mostaru sa početkom rada u 11:00 sati.

Sjednicu je otvorio Džafer Alić zamjenik predsjedavajućeg Skupštine Hercegovačko-neretvanskog kantona.

Sekretar Skupštine, Željka Čule, obavila je prozivku.

Prisutni: Džafer Alić, Daniel Babić, Slavko Bilić, Marija Bošković, Ivana Buntić-Jovanović, Damir Džeba, Josip Grbavac, Sadina Hejub, Omer Hujdur, Salmir Kaplan, Zoran Krešić, Harun Kurtović, Nedžad Maksumić, Tomislav Martinović, Marija Matuško, Zoran Mikulić, Danijela Mišura, Kemal Muratović, Ivan Odak, Iva Raguž, Oliver Soldo, Dragica Suša, Vesna Šunjić, Mirko Vasilj, Nermin Vrtić i Arman Zalihić i Irma Memidžan.

Odsutni: Zora Dujmović, Vesna Saradžić i Ismet Lulić.

Konstatovano je da je na sjednici prisutno **27** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Zamjenik predsjedavajućeg Skupštine HNK Džafer Alić obavijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine.

Otvorena je rasprava po prijedlogu dnevnog reda.

U raspravi nije nitko učestvovao.

Obavljeno je glasanje o prijedlogu dnevnog reda treće (III) redovne sjednice Skupštine HNK.

Nakon glasanja konstatovano je da je dnevni red treće (III) redovne sjednice Skupštine HNK jednoglasno usvojen.

Usvojeni Dnevni red:

1. Poslanička pitanja;
2. Prijedlog Budžeta HNK za 2023. godinu;
3. Prijedlog Zakona o izvršenju Budžeta HNK za 2023. godinu;
4. a) Prijedlog Odluke o davanju saglasnosti na Finansijski plan Službe za zapošljavanje HNK za 2023. godinu;
b) Prijedlog Odluke o davanju saglasnosti na Odluku o izvršenju finansijskog plana Službe za zapošljavanje HNK za 2023. godinu;
5. a) Prijedlog Odluke o davanju saglasnosti na Finansijski plan Zavoda zdravstvenog osiguranja HNK za 2023. godinu;
b) Prijedlog Odluke o davanju saglasnosti na Odluku o izvršenju finansijskog plana Zavoda zdravstvenog osiguranja HNK za 2023. godinu;
6. a) Prijedlog Odluke o davanju saglasnosti na Finansijski plan Fonda za zaštitu okoliša HNK za 2023. godinu;
b) Prijedlog Odluke o davanju saglasnosti na Odluku o izvršenju finansijskog plana Fonda za zaštitu okoliša HNK za 2023. godinu.

1. Poslanička pitanja

ZORAN KREŠIĆ:

Poslaničko pitanje za Vladu HNK:

Naime, na sjednici Općinskog vijeća Neum, održanoj u lipnju ove godine, donešena je odluka o formiranju Turističke zajednice Općine Neum. Činjenica je da turistička zajednica još uvijek nije profunkcionirala, da postoje zastoji. Ovoga ono što je Neum godinama čekao radi različitih pravnih zavrzlama, znači konačno je to riješeno. Interesira me, dali ovi zastoji postoje i na županijskoj razini znači vezano za Zakon o turističkim zajednicama i Uredbu o članarinama u turističkim zajednicama u HNŽ-u i njihovoj usklađenosti, neusklađenosti?

MIRKO VASILJ:

Poslaničko pitanje 1 Ministarstvu pravosuđa uprave i lokalne samouprave HNK:

Molim da mi dostavite popis svih aktivnih udruga građana s područja HNŽ-a sa sljedećim podacima: imena i prezimena, odnosno nazivi osnivača i njihova prebivališta, odnosno sjedišta, naziv udruge, sjedište i adresu, ciljeve i djelatnost, ime i prezime osobe ovlaštene za obavljanje poslova upisa u registar, ime i prezime i potpis osnivača, broj i datum osnivačkog akta.

Poslaničko pitanje 2 predsjedniku Vlade HNK i ministarstvu finansija:

Molim vas da mi dostavite analitiku svih tekućih transfera prema drugim nivoima vlasti, u ovom slučaju lokalnim zajednicama, općinama i gradovima, kao i osnov, to jest kriteriji po kojima su ti transferi i realizirani za fiskalnu 2022. godinu.

Poslanička inicijativa je upućena Vladi HNK-a, i Ministarstvu poljoprivrede, šumarstva i vodoprivrede:

U predmetu je raskid ugovora o koncesiji za izgradnju mini hidroelektrana na Buni, inicijativa je prema vladi i resornom ministarstvu, da se u što kraćem roku raskine ugovor o koncesijama budući da su se za to stvorili zakonski uvjeti.

SALMIR KAPLAN:

Poslanička inicijativa:

Inicijativa je tehničke prirode i radi se o tome da ima dosta zastupničkih pitanja i inicijativa na koje predstavnici Vlade mogu odmah dati odgovor ukoliko prisustvuju sjednicama Skupštine, što bi im po Poslovniku Skupštine trebala biti obaveza, tako da izbjegnemo nepotrebno pisanje i gubljenje vremena.

DONKO JOVIĆ, ministar poljoprivrede, šumarstva i vodoprivrede u Vladi HNK

Na inicijativu gospodina Vasilja, a vezano za raskid ugovora za mini hidroelektrane na Neretvi, radnog naziva Buna I i Buna II, vi ste tražili, mi dostavili odgovor, međutim isto tako ministarstvo ima zakonsku obvezu da jednom godišnje izvijesti kako Vlada, tako i Skupštinu, po pitanju svih koncesija. Mi smo taj izvještaj napravili za prošlu godinu, dostavili Vladi, on će vjerujem narednu sjednicu do dvije bit razmatran na Vladi i proslijeđen Skupštini. Da ne bi sad više elaborirao ili se u međuvremenu dopisivali, predlažem da se ta informacija sačeka ovdje na Skupštini, pa onda detaljno možemo o njoj razgovarat. Hvala.

IVA RAGUŽ:

Poslanička inicijativa 1:

Inicijativu upućujem Zavodu zdravstvenog osiguranja HNŽ-a da se osobe sa utvrđenim invaliditetom preko 60% oslobode plaćanja premije osiguranja.

Poslanička inicijativa 2:

Inicijativu upućujem Zavodu zdravstvenog osiguranja HNŽ-a, a glasi: molim Zavod zdravstvenog osiguranja HNŽ-a da osmisli način da se u programima za evidenciju osiguranika stavi naznaka o invaliditetu, kako bi im se dala prednost pri posjetima liječnicima i čekanju na pretrage. Također molim, da se osmisli i sustav oznaka na iskaznicama za osobe sa oštećenjima sluha i vida, kako bi imale adekvatnu komunikaciju sa osobljem prilikom dolaska u zdravstvene ustanove. Razlog ove inicijative je zahtjevno zdravstveno stanje osoba sa invaliditetom.

VESNA ŠUNJIĆ:

Poslaničko pitanje 1:

Za gospođu Anu Vidačak, v.d. ravnateljica Zavod zdravstvenog osiguranja HNŽ-a. Molim da mi dostavite sljedeće dokumente: važeće ugovore koje je Zavod zdravstvenog osiguranja HNŽ-a u ime osiguranika potpisao sa bolnicama i domovima zdravlja u HNŽ-u, te plan i program redovnih kontrola za 2023. u skladu sa pravilnikom o načinu provođenja nadzora i kontrole.

Poslaničko pitanje 2:

Za gospodina Opsenicu. Molim da mi dostavite sljedeće dokumente: plan i program mjera zdravstvene zaštite izrađen od strane Zavoda za javno zdravstvo i godišnji program zdravstvene zaštite.

Poslanička inicijativa 3:

Za gospodina Hercega, odnosi se na objavu ažurnih dokumenata na stranici Vlade. Na stranici Vlade HNŽ-a potrebno je objaviti ažurne dokumente u za tu namjenu predviđene foldere, dokumenti koncesije, natječaji, proračuni i zakoni.

Poslanička inicijativa 4:

Za gospodina Opsenicu. Molim da Odluku o osnovama, kriterijima i mjerilima za sklapanje ugovora sa zdravstvenim ustanovama koje osiguravaju uslugu zdravstvene zaštite, a financiraju se iz sredstava Zavoda zdravstvenog osiguranja HNŽ-a, uskladite sa Zakonom o

zdravstvenoj zaštiti, a u skladu sa preporukom Ureda za reviziju institucija u F BiH nakon revizije Zavoda zdravstvenog osiguranja HNŽ-a.

IVANA BUNTIĆ-JOVANOVIĆ:

Poslaničko pitanje:

Evo ja imam jednu zastupničko pitanje gospodinu Rašidu Hadžoviću, ministru obrazovanja, znanosti, kulture i sporta. Pitanje glasi: kako je moguće zaposliti psihologa i logopeda u Osnovnoj školi „Vladimir Pavlović“ u Čapljini?

HARUN KURTOVIĆ:

Poslanička inicijativa:

S obzirom da je ugradnja fotonaponskih solarnih panela neizostavan dio tranzicije elektroenergetskog sektora baziranog na obnovljivim izvorima energije, shodno tome podnosim inicijativu prema Ministarstvu građenja i prostornog uređenja HNK-a i Ministarstvu privrede HNK-a, za izmjenu važećih zakona u svrhu regulative izgradnje fotonaponskih solarnih elektrana na području HNK-a za domaćinstva i za manja fotonaponska solarna postrojenja snage do 1 MW. Inicijativa je sačinjena iz dva dijela. Prvi dio, za koji smatram da je jednostavniji za realizovat, se tiče sljedećeg, odnosi se na domaćinstva kao kupce električne energije i tražim da im se omogući da istovremeno budu kupci i proizvođači iz vlastitih fotonaponskih solarnih elektrana, to jeste da vlasnici objekata mogu da izrade i priključe malu fotonaponsku solarnu elektranu na svom objektu. Vlasnik domaćinstva će proizvedenu energiju koristiti za vlastite potrebe, a višak električne energije slati u distributivnu mrežu. Navedeno omogućiti bez izdavanja urbanističke saglasnosti i drugih dozvola za građenje.

Drugi dio inicijative odnosi se na postavljanje agro solara na poljoprivredna zemljišta, zavisno o njihovoj kategoriji. Za realizaciju takvih projekata nužno je odrediti uslove u prostornim planovima, potrebno je omogućiti poljoprivrednim proizvođačima mogućnost korištenja sunčeve energije za proizvodnju toplinske energije, uz zadržavanje poljoprivredne proizvodnje, sa ili bez izmjene prostornih planova. Također ljudima struke, diplomiranim inženjerima elektrotehnike koji su vlasnici poljoprivrednog zemljišta ili su uzeli u zakup poljoprivredno zemljište ili su ga dobili na korištenje, bez ikakve naknade omogućiti izgradnju malih fotonaponskih elektrana snage do 1 MW. Osim neusklađenosti samih lokacija za fotonaponske solarne elektrane i potrebne infrastrukture, često nisu usklađene klasifikacije namjene zemljišta. Neadekvatna lokacija uvrštena u prostorne planove generiše aktivnosti na pripremi projekata koji se teško mogu realizovati.

ARMAN ZALIHIC:

Poslaničko pitanje predsjedniku Vlade HNK:

Prvo zastupničko pitanje upućujem predsjedniku Vlade, a odnosi se na reviziju koju je uradio Ured za reviziju institucija F BiH, gdje je u izvještaju o finansijskoj reviziji u HNK-a utvrdio 27 preporuka, od kojih su bile samo i tad 4 nove, dakle 23 su bile stare već utvrđene prethodnim revizijama, a nikad nisu otklonjene, konkretno je pitanje, koliko od ovih 27 preporuka, koliko je izmijenjeno da bi se otklonili nedostaci po ovih 27 preporuka?

Poslaničko pitanje za Ministarstvo trgovine, turizma i zaštite okoliša i za Ministarstvo financija:

Dakle, vidio sam na stranici Ministarstva trgovine, turizma i zaštite okoliša HNK-a da je raspisan javni poziv, transfer za jačanje turističkih kapaciteta. Rok za podnošenje prijava na pomenuti javni poziv je 9. siječnja, a sredstva u odluci pišu da su obezbjeđena proračunom iz 2022. godine. Dakle, danas ja 5. siječnja mogu predat prijavu po tom javnom pozivu, a vi mi garantujete sredstva proračunom koji je prestao da važi 31.12., proračunom iz 2022. godine!?

Ako usvojite danas na 1. točki Proračun za 2023. godinu, vi ćete mi sredstva ako se ja sutra prijavim garantovat po proračunu iz 2022., a na snazi je proračun iz 2023. godine, pa me zanima dali je to u skladu sa zakonom i ako nije dali ćete poništiti konkurs i raspisati novi ako ste eventualno prenijeli sredstva iz proračuna iz 2022. u 2023. godinu?

2. Prijedlog Budžeta HNK za 2023. godinu

Obrazloženje je dao Adnan Faladžić, ministar finansija u Vladi HNK.

Otvorena je rasprava.

U raspravi su učestvovali: Arman Zalihić, Damir Džeba, Vesna Šunjić, Ivan Odak, Mirko Vasilj, Kemal Muratović, Nedžad Maksumić, ministar Donko Jović, ministar Adnan Faladžić i Salmir Kaplan.

Poslanica **Vesna Šunjić** predložila je slijedeće amandmane:

Amandman 1.

Sva sredstva predviđena za transfere i druge rashode koji nisu obuhvaćeni članovima 33. i 34. Zakona o izvršenju budžeta i koji se ne odnose na javna poduzeća ili ustanove kojima je Kanton osnivač, prikazati sumarno po kategorijama kako bi se raspodjela istih odvijala u skladu sa Zakonom o proračunima, čime bi se osigurala transparentnost utroška budžetskih sredstava i ispunile preporuke koje je Ured za reviziju institucija F BiH izdao županijskoj Vladi tijekom prošlog nadzora.

Amandman 2.

Na ekonomskom kodu 613 900, funkcija 011 ugovorene i druge posebne usluge, sredstva u iznosu od 80.000,00 KM planirati za uspostavu platforme za online registre, koji sadrže podatke o imenovanim i zaposlenim osobama, imovini nositelja javnih funkcija, javnim nabavkama koje provode institucije HNK-a, transferima neprofitnim organizacijama i pojedincima iz Budžeta te poticajima poljoprivredi.

Poslanik **Mirko Vasilj** predložio je slijedeći amandman:

Amandman 1.

Osigurati dodatna sredstva za Javno poduzeće Park prirode Blidinje u iznosu od 50.000,00 KM.

Amandmanom se umanjuje pozicija Ministarstva trgovine i turizma, ekonomski kod 614 400, funkcija 049, transferi za jačanje turističkih kapaciteta sa planiranih 350.000,00 KM na 300.000,00 KM, a na poziciji istog ministarstva za Javno poduzeće Park prirode Blidinje, funkcija 054, povećati za 50.000,00 KM, znači sa planiranih 56.000,00 KM ukupno na 106.000,00 KM.

Poslanik **Nedžad Maksumić** predložio je slijedeći amandman:

Amandman 1.

Da se na ekonomskom kodu 614 300, transfer neprofitnim organizacijama, sport, doda još jedan kod, stavka, ispod stavke HNK Zrinjski i FK Velež, ekonomski kod 614 300-081 FK Igman Konjic u iznosu 240.000,00 KM, a da se za isti iznos umanjí stavka tekući transferi, ekonomski kod 600 000.

Poslanica **Iva Raguž** predložila je slijedeći amandman:

Amandman 1.

Umanjuje se pozicija Ministarstva financija HNK „Tekuća rezerva“, organizaciona jedinica 16 01 0001, ekonomski kod 600 000 za:
128.000 KM s 2.000.000,00 KM na 1872.000,00 KM.

Na poziciji Ministarstva, trgovine, turizma i zaštite okoliša HNK - J.P. „Park prirode Hutovo blato“ d.o.o. Čapljina, organizaciona jedinica 35 01 003, ekonomski kod 614 400 povećava se za:
128.000,00 KM..... s 160.000,00 KM na 288.000,00 KM.

Na prijedlog zamjenika predsjedavajućeg Džafera Alića prihvaćeno je da se obavi rasprava i o Prijedlogu Zakona o izvršenju Budžeta kako bi se Vlada HNK mogla odrediti prema uloženim amandmanima na Budžet i na Prijedlog Zakona o izvršenju Budžeta HNK za 2023. godinu.

3. Prijedlog Zakona o izvršenju Budžeta HNK za 2023. godinu

Obrazloženje je dao Adnan Faladžić, ministar finansija u Vladi HNK.

Otvorena je rasprava.

U raspravi su učestvovali: Vesna Šunjić i Daniel Babić.

Poslanica **Vesna Šunjić** predložila je slijedeće amandmane:

Amandman 1.

Član 35.

(Realizacija redovnih mjesečnih transfera)

Sredstva namijenjena za tekuće transfere koji se financiraju redovnim mjesečnim tranšama, transfer Agenciji za privatizaciju HNK-a, transfer za političke stranke, transfer kazneno-popravnim zavodima, transfer studentima i učenicima za zdravstveno osiguranje, transfer za studentske centre, stipendije, sufinanciranje smještaja studenata, transfer za visoko školstvo, transfer za Hrvatsko narodno kazalište i Narodno pozorište, transferi za socijalnu zaštitu, transferi za civilne žrtve rata, transferi za namjenu zaštite obitelji sa djecom, transferi za sufinanciranje Zavoda za javno zdravstvo, transfer Javni park prirode Blidinje i Hutovo blato, transfer Javnoj ustanovi Veterinarski zavod, transfer braniteljskim udruženjima, realizirat će se sukladno propisima i mjerodavnostima resornih ministarstava i dostavljenim nalogima za izvršenja.

Ovaj član mijenja se i glasi:

Sredstva namijenjena za tekuće transfere koji se financiraju redovnim mjesečnim tranšama, transfer Agenciji za privatizaciju HNK-a, transfer za političke stranke, transfer

kazneno-popravnim zavodima, transfer studentima i učenicima za zdravstveno osiguranje, stipendije i sufinanciranje smještaja studenata, transfer za Hrvatsko narodno kazalište i Narodno pozorište, transfer za socijalnu zaštitu, transfer za civilne žrtve rata, transferi za namjenu zaštite obitelji sa djecom, transfer za sufinanciranje Zavoda za javno zdravstvo, transfer javnim poduzećima Park prirode Blidinje i Park prirode Hutovo blato, transfer Javnoj ustanovi Veterinarski zavod, realizovat će se sukladno propisima i mjerodavnostima resornih ministarstava i dostavljenim nalogima za izvršenja.

Transfer boračkim udruženjima provodi se u skladu sa planom i namjenom sredstava utvrđenim od strane ministarstva za pitanje boraca, transfer za visoko školstvo i transfer za studentske centre provodi se u skladu sa osnivačkim i suosnivačkim pravima nad Univerzitetom Džemal Bijedić i Sveučilištem u Mostaru, te sporazumom kojim su regulisana međusobna prava i obveze.

Amandman 2.

Član 36, realizacija ostalih transfera mijenja se i glasi:

Realizacija svih ostalih transfera osim grant drugim razinama vlasti, odbor državne službe za žalbe Federacije pri ministarstvu pravosuđa, uprave i lokalne samouprave, grant općinama za prijevoz i transferi za razdjel 19010003, koji nisu obuhvaćeni članovima 33, 34 i 35 ovog zakona odvijaju se u skladu sa detaljnom metodologijom za raspodjelu svih transfera. Transferi za sport odvijaju se prema godišnjem programu za oblast sporta, sufinanciranje zdravstvenih ustanova sa jasno naglašenom namjenom sredstava, transferi poduzećima na osnovu utvrđenih kriterija i sačinjenih bodovnih listi. Realizacija se odvija isključivo temeljem javnog poziva prema utvrđenim mjerljivim kriterijima za odabir korisnika i jasno definiranom dokumentacijom kojom se potvrđuje ispunjenost traženih kriterija za raspodjelu sredstava. Sa svim korisnicima transfera zaključuje se ugovor kojim se reguliraju međusobna prava i obaveze, utvrđuje namjena korištenja sredstava i osigurava nadzor nad namjenskim utroškom i princip transparentnosti u skladu sa članom 4 Zakona o proračunima F BiH.

Zamjenik predsjedavajućeg Skupštine HNK Džafer Alić izvjestio je poslanike da će s obzirom na uložene amandmane na Prijedlog Budžeta HNK i Prijedlog Zakona o izvršenju Budžeta za 2023. godinu, o istim će se izjasniti Vlada HNK, nakon toga će se glasati u Skupštini o Prijedlogu Budžeta i Zakona o izvršenju Budžeta.

Usljedila je **pauza** od 20 minuta.

4. a) Prijedlog Odluke o davanju saglasnosti na Finansijski plan Službe za zapošljavanje HNK za 2023. godinu;

b) Prijedlog Odluke o davanju saglasnosti na Odluku o izvršenju finansijskog plana Službe za zapošljavanje HNK za 2023. godinu

Obrazloženje je dala Gordana Nikolić, predstavnica Službe za zapošljavanje HNK.

Otvorena je rasprava.

U raspravi nije nitko učestvovao.

Obavljeno je glasanje o:

a) Prijedlogu Odluke o davanju saglasnosti na Finansijski plan Službe za zapošljavanje HNK za 2023. godinu.

Većinom glasova „Za“, uz 4 „Suzdržana“ glasa usvojen je a) Prijedlog Odluke o davanju saglasnosti na Finansijski plan Službe za zapošljavanje HNK za 2023. godinu.

Obavljeno je glasanje o:

b) Prijedlogu Odluke o davanju saglasnosti na Odluku o izvršenju finansijskog plana Službe za zapošljavanje HNK za 2023. godinu.

Većinom glasova „Za“, uz 2 „Suzdržana“ glasa usvojen je b) Prijedlog Odluke o davanju saglasnosti na Odluku o izvršenju finansijskog plana Službe za zapošljavanje HNK za 2023. godinu.

5. a) Prijedlog Odluke o davanju saglasnosti na Finansijski plan Zavoda zdravstvenog osiguranja HNK za 2023. godinu;

b) Prijedlog Odluke o davanju saglasnosti na Odluku o izvršenju finansijskog plana Zavoda zdravstvenog osiguranja HNK za 2023. godinu

Obrazloženje je dao Rade Bošnjak, ispred Zavoda zdravstvenog osiguranja HNK.

Otvorena je rasprava.

U raspravi su učestvovali: Vesna Šunjić, Iva Raguž, Rade Bošnjak i Tomislav Martinović.

Poslanica Iva Raguž predložila je slijedeći Zaključak:

U cilju postizanja pravovremene detekcije, intervencije i prevencije poremećaja u razvoju kod djece, potrebno je osigurati najmanje po jedan stručni tim u domovima zdravlja u sastavu logoped, edukacijski rehabilitator i psiholog. Kroz ove timove potrebno je osigurati adekvatne intervencije za rehabilitaciju odraslih kojima je zbog bolesti nastao poremećaj govora.

Stručni timovi će biti utvrđeni na temelju broja takvih osoba ovisno o potrebama osiguranih osoba na području HNK.

Za realizaciju ovog Zaključka zadužuje se Zavod zdravstvenog osiguranja HNK.

Zaključak stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Obavljeno je glasanje o:

a) Prijedlogu Odluke o davanju saglasnosti na Finansijski plan Zavoda zdravstvenog osiguranja HNK za 2023. godinu.

Većinom glasova „Za“, uz 5 „Suzdržanih“ glasova usvojen je a) Prijedlog Odluke o davanju saglasnosti na Finansijski plan Zavoda zdravstvenog osiguranja HNK za 2023. godinu.

Obavljeno je glasanje o:

b) Prijedlogu Odluke o davanju saglasnosti na Odluku o izvršenju finansijskog plana Zavoda zdravstvenog osiguranja HNK za 2023. godinu.

Većinom glasova „Za“, uz 3 „Suzdržana“ glasa usvojen je b) Prijedlog Odluke o davanju suglasnosti na Odluku o izvršenju finansijskog plana Zavoda zdravstvenog osiguranja HNK za 2023. godinu.

Obavljeno je glasanje o navedenom Zaključku poslanice Ive Raguž.

Nakon glasanja konstatovano je da je navedeni Zaključak poslanice Ive Raguž jednoglasno usvojen.

*** 2. Izjašnjavanje o amandmanima na Prijedlog Budžeta HNK za 2023. godinu**

U ime Vlade obrazloženje o izjašnjavanju Vlade o uloženim amandmanima je dao Adnan Faladžić, ministar finansija u Vladi HNK:

Amandman 1. poslanika Nedžada Maksumić Vlada HNK nije prihvatila.

Na zahtjev predlagača navedenog amandmana obavljeno je glasanje o istom.

Nakon glasanja konstatovano je da amandman nije dobio potrebnu većinu.

Amandman 1. poslanice Vesne Šunjić Vlada HNK nije prihvatila.

Amandman 2. poslanice Vesne Šunjić Vlada HNK nije prihvatila.

Na zahtjev predlagača navedenog amandmana obavljeno je glasanje o istom.

Obavljeno je glasanje o navedenom amandmanu.
Većinom „Suzdržanih“ glasova, uz 4 glasa „Za“ i 5 glasova „Protiv“ amandman nije dobio potrebnu većinu.

Amandman poslanika Mirka Vasilj Vlada nije prihvatila.

Amandman poslanice Ive Raguž:
Vlada HNK je djelomično prihvatila amandman je i preoblikovan je u vidu slijedećeg Zaključka:

Nedostajuća sredstva za redovno finansiranje „JP Park prirode Blidinje“ i „JP Park prirode Hutovo Blato“ u 2023. godini osigurati će se Odlukom Vlade HNK iz pozicije tekuće rezerve.

Zaključak stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Obavljeno je glasanje o navedenom Zaključku.

Većinom glasova „Za“, uz 1 „Suzdržan“ glas navedeni Zaključak je usvojen.

Obavljeno je glasanje o **Prijedlogu Budžeta HNK za 2023. godinu.**

Većinom glasova „Za“, uz 7 „Suzdržanih“ glasova usvojen je Prijedlog Budžeta HNK za 2023. godinu.

***3. Prijedlog Zakona o izvršenju Budžeta HNK za 2023. godinu (Izjašnjavanje o amandmanima)**

U ime Vlade obrazloženje je dao Adnan Faladžić, ministar finansija u Vladi HNK:

Amandman 1. poslanice Vesne Šunjić Vlada HNK nije prihvatila.

Amandman 2. poslanice Vesne Šunjić Vlada HNK nije prihvatila.

Obavljeno je glasanje o **Prijedlogu Zakona o izvršenju Budžeta HNK za 2023. godinu.**

Većinom glasova „Za“, uz 5 „Suzdržanih“ glasova usvojen je Prijedlog Zakona o izvršenju Budžeta HNK za 2023. godinu.

6. a) Prijedlog Odluke o davanju saglasnosti na Finansijski plan Fonda za zaštitu okoliša HNK za 2023. godinu;

b) Prijedlog Odluke o davanju saglasnosti na Odluku o izvršenju finansijskog plana Fonda za zaštitu okoliša HNK za 2023. godinu

Obrazloženje je dao Samir Sunagić, pomoćnik direktora Fonda za zaštitu okoliša Hercegovačko-neretvanskog kantona.

Otvorena je rasprava.

U raspravi su učestvovali: Omer Hujdur, Ivan Odak, Mirko Vasilj, Vesna Šunjić i Samir Sunagić.

Obavljeno je glasanje o:

a) Prijedlogu Odluke o davanju saglasnosti na Finansijski plan Fonda za zaštitu okoliša HNK za 2023. godinu.

Većinom glasova „Za“, uz 1 glas „Protiv“ i 5 „Suzdržanih“ glasova, usvojen je a) Prijedlog Odluke o davanju saglasnosti na Finansijski plan Fonda za zaštitu okoliša HNK za 2023. godinu.

Obavljeno je glasanje o:

b) Prijedlogu Odluke o davanju saglasnosti na Odluku o izvršenju finansijskog plana Fonda za zaštitu okoliša HNK za 2023. godinu.

Većinom glasova „Za“, uz 5 „Suzdržanih“ glasova, usvojen je b) Prijedlog Odluke o davanju saglasnosti na Odluku o izvršenju finansijskog plana Fonda za zaštitu okoliša HNK za 2023. godinu.

Sjednica je završila s radom u 17:30 sati.

ZAMJENICI PREDSEDAVAJUĆEG

Tomislav Martinović

Džafer Alić
